

瞑庵雜識
清 朱克敬 著
下

進步書局校印

敘

昌黎以六經為碑誌後代即以碑誌為紀傳文體愈嚴實行愈晦文學之士既無道德功業可備張皇逸事瑣聞又皆屏而弗錄摭砌浮詞泛加體目掩其姓氏人人可通其人固無可傳矣而又何以文為閒居無事采近代文人碎事合為一編凡三卷若干人無益文獻之微庶幾賢於博奕有心者觸類引伸因一節而想其生平即過舉以窺其心術亦論世知人之一助也奉蘭朱克敬暝庵氏自識

瞑庵二識卷一

清 皋蘭朱克敬香孫著

王叔原方伯官湖南時喜獎誘才俊孫鼎臣周壽昌郭嵩書等皆所識拔及去名流祖餞相屬於郊有賈人李姓以廩生援例為訓導素無因緣亦往送焉或嘲以詩曰新捐訓導李明階手攬朝衣下轎來贏得綺窗人笑說老爺今日送藩臺

鄧廣文顯鶴博學能詩選沅湘耆舊詩集搜羅文獻頗賅道光時卿大夫猶知宏獎風流廣文交游頗廣有不逞者嘲之曰藩司昨日拜區區頃接中丞片紙書南省無如卑職者東齋敢說憲綱乎一聯春海傳家寶兩字如山鎮宅符惟有新來陶太守揭開手本罵糊塗

明商輅以三元入相予告家居思為童子師自遣因更名謀之他方有富翁為幼子擇師商則應聘既至主人簡之同館三人皆孝廉尤蔑商併弗與儕會主人母壽宴客獨不及商幼子憤以告旦日商衣冠徑至堂上主人不得已強飲之商又據上坐不讓眾滋不悅一人問曰先生生平居上坐者凡幾商屈指曰五少時娶妻飲婦翁家上坐者一眾皆笑商徐曰領鄉薦赴鹿鳴宴上坐者二眾色動又曰成進士赴瓊

林宴上坐者三。赴恩榮宴。上坐者四。去春。天子宴朝臣。老夫領班上坐者五。主人起再拜謝。無狀商笑慰之。越日辭去。愛其子慧。因使從學。後亦成進士。

有某官慕王壬秋名。屢欲造訪。逢人寄聲。而卒不至。余戲為詩曰。釀花天氣冷如秋。風捲蘆簾客怕留。卻憶去年彭太保。布鞋黏雪訪壬秋。

和坤當國時。京朝官趨之如鶩。坤每至公署。司官夾階立伺。惟恐後期。時稱為補子衙衙。有無名子。詠補子衙衙云。繡衣成巷接公衙。曲曲灣灣路不差。莫笑此間街道窄。有門能達相公家。

道光壬寅年。英夷犯廣東。果勇侯楊芳為參贊。因夷人礮利。下令收糞桶。及諸穢物。為厭勝計。和議成。遂不果用。有無名子嘲之曰。楊枝無力愛南風。參贊如何用此公。糞桶當年施妙計。穢聲長播粵城中。

有某官素惡名士。嘗曰。名士名士。能辟穀乎。余聞之。戲為詩曰。名士原無辟穀方。貴人休替達人忙。冰山我有天公在。勝似人家沈部堂。

道咸之間。士大夫猶知好名。有科目者。耻不能古文。往往用八比法。雜彙牘詞語。為之時稱。為京報古文。曾文正公督兩江時。人才匯集。有何太史者。記問極博。下筆千

言而無理法。曾公嘗稱為土匪名士。二語雅可作對。

曾文正公嘗謂吳敏樹郭嵩燾曰。我身後碑銘必屬兩君。他任摭飾銘辭。結句吾自有之。曰不信書。信運氣公之言。告萬世。

乾隆九年。兵部侍郎舒赫德請廢時文。事下禮部。尚書鄂爾泰議駁。遂止。頃歲以來。有議廢時文而學機器者。余作時藝論曰。今世學者。多以時藝為小道。夫時藝之視古文。誠有莛楹之別。然在高山名士言之。則可有政教之責者。不當言也。有明以來。以此取士。一代之公卿大夫名臣循吏。皆由此出。烏可目為小道而不講乎。且朝廷所以懸此取士者。非真謂時藝能得人。而工時藝者。即可以治平天下也。任事者必有專精之志。強固之氣。又明於聖人之理。詳於先王之制度。文為然後充之以閱歷。施展其才能。而後能泛應不窮也。應科目者。其志氣期於必得。而又求理於四子。考名物於六經。苟如是矣。授之以官。使之閱歷而展施焉。雖不中。不遠矣。國朝制藝。康熙以前。宏厚精醇。故其時名儒輩出。理學昌明。乾嘉之際。博大光昌。故其時才傑奮興。百廢具舉。道光一朝。專尚清真。敏才就範。故其時士大夫多恪守典型。潔身勤事。咸同以降。理法寢微。然其時考墨。雖無精義。尚有才華。故一時將相。亦能任才使

氣宏濟艱難。至於今日。則專取圓滑之調。填砌蕪爛之詞。冀幸弋獲。非特四子之義理。六經之典章。絕不宣究。即講章之章旨。卽旨。八銘塾鈔之規矩準繩。亦復束之高閣。是國家例取不明理不讀書之人。以為公卿大夫也。如是而求天下之安。外夷之服。不亦難乎。方今國勢寢衰。強鄰逼伺。老成勳舊。竊竊憂之。然內不求之於人才。外不求之於吏治軍政。而徒汲汲於機器輪船。予則以為強國莫先於吏治軍政。而吏治軍政之修。莫先於求才。造就人才。莫切於振興時藝。使應試者。非讀書明理。不得科名。則人才奮興。吏治清而民安。民安而財阜矣。將帥得人。則兵精器利。外患自消矣。或者以為時藝空言。其於治國安邊。隔膜已甚。不知法。具文也。待人而行。器死物也。待用而利。無奉法之吏。用器之人。則機器之隔膜。猶之時藝也。或者曰。時藝空而難稽。機器顯而易考。此洋人所以強也。不知洋人之強。在用器之得人。非僅以其器也。以外國證之。賀蘭土耳其。皆有機器。不免於敗亡。即以中國證之。方今之精通夷務者。無過李郭沈丁諸公。之數人者。皆由時藝致身。初無隔膜之患。豈其性之獨異哉。夫亦道光以前之科目。不廢讀書耳。然則時藝何嘗不可得人也。以講求夷務之心。挽回風氣。以製造機器之費。造就書院之生童。則人才出而內安外攘矣。鄂議明

通此論簡要。皆不變法而求實是也。

漢陽黃文琛署衡永郴桂道時。衡州民毀天主教堂。教士訴於京師。下巡撫檄道窮治。教士隨至。氣甚張。文琛坐堂皇。列甲卒見之。士民圍視而訴者數千萬人。文琛手批口喻以遣之。因告教士以衆怒難犯。教士懼。唯唯。文琛牒其狀。巡撫懼開邊釁。急遣人代之。卒與五千緡。案牒詞云。敬稟者。案奉憲臺六百里排單。札開照得湘潭衡州焚燒天主堂一案。前將各該縣奏參。摘頂勒限賠修。現據湘潭縣稟報。業已賠修完竣。而衡清兩縣尚未據報興工。行令職道嚴飭趕急辦理。查明稟復等因。奉此。遵查此案。職道甫經到任。即據衡清兩縣耆民夏士培等。以異類恣橫。公懇驅逐。聯名具稟。叙述詳明。情詞激切。職道以該民等身居田野。雖未知和戎之策。事有經權。然小民愴懷時事。念切身家。泣涕陳詞。忠義憤發。亦實出於萬不容已。當經職道諭以聖朝寬大。柔遠懷來。凡屬臣民。宜體先皇帝戢武安民之意。恪遵和約。不必遇事深求。錄批榜示。去後。旋據教民李心精郭進德等。具呈援案。邀請修復。又經職道飭傳到案。曉以利害。切實開導。該教民等尚知感悟。均各俯首無詞。隨聞該教遵諭自行集費。在於原毀之地。動工興修。職道密飭查勘該堂基址。縱橫不及四丈。新建

房屋二重制類民居。頗為整潔。所需工料亦屬無多。現已將次完竣。而士民並無過問者。就加體察。似覺民氣已和。彼此相安無異。茲奉檄飭賠修。職道隨集該二縣。再四籌商。惟審度情形。實有難於遵辦之處。不得不就管見所及。縷晰陳之。伏查該教自和好頒行。內地准其傳習。例禁一弛。不軌之徒。羣相附和。而衡清兩縣。向之習其教者。亦皆倚為護符。邪妄奸污。肆無顧忌。此間士民受害最酷。切齒痛恨。不啻同仇。本年四月。乘考聚眾焚燬該堂。拆毀教民房屋。人逾數萬。勢甚洶洶。幾至釀成巨禍。現雖加意撫循。民情漸謐。然究之心懷嫌怨。易啟猜疑。設一旦官予賠修。則教民愈驕。百姓愈憤。勢不兩立。必致激成事端。矧原案勒賠之員。劉令鳳儀。早經去任。陳令寶善。交卸在邇。無論事權不屬。動形掣肘。即使該令等責無可辭。竊恐今日官修。明日民燬。一經橫決。收拾為難。非特重拂輿情。抑且大礙撫局。而況該教民自經職道諭飭。亦深知獲罪地方。禍由自取。即甘心自願承修。其不欲構怨士民。已可概見。茲既據自行修復。則成功不毀。自未便再事更張。轉滋口實。職道忝權斯郡。調俗易風。先在黎民好惡。當此時局多難。邊釁固不可開。人心更不可失。悉心籌畫。其官為賠償。諸多礙難。曷若聽其自修。可弭後患。現在衡郡辦理。未能與湘潭畫一。係彼此情

形不同自應因地因時。量為變通。以求至當。未敢稍涉拘泥。職道為顧全中外大局起見。理合鈔錄原呈二紙。稟齋察核。衡人稟詞云。為異類恣橫。人道淪胥。籲懇驅禁。以除亂本事。竊維天主教者。肇自島夷。情同禽獸。前古未之有也。明季西洋國人利瑪竇湯若望南懷仁等。先後航海。闖入中國。浸淫而各省郡邑。有天主堂。浸淫而不根。細民習天主教。此外人入華。而邪教胎禍之始。我朝革故鼎新。滌瑕蕩穢。毀其堂。火其書。逐其人。凡傳教習教者。皆罪所不赦。載在憲章。著有律令。蓋自列祖列宗。聖諭諄諄。煌煌無非欲億兆日納於軌物之中。而毋或越於蕩平之治。法至嚴。意至深也。何圖逆夷久沐聖主無外之化。得規廣州互市之利。猶復包藏禍心。厲饜谿壑。潛至內地。術賺顯垠。刊布邪說。請張誣罔。傳教植黨。到處橫行。彝倫攸斁。廉耻道喪。髮逆因之。假耶蘇教名號。揭竿而起。縱橫粵閩黔蜀江鄂皖豫齊陝。流毒半天下。不可收拾矣。至庚申八月之變。普天同憤。而逆夷亦遂明目張膽。連衡勾引。四野騷動。人情洶洶。將不知所底止。而彼教無天。無聖。無父。無祖宗。無夫婦。乃至無人道。其窮兇極惡。益暴揚於天下。奚以明其然也。天一而已。以主宰言。則曰上帝。以彼教變其名。則曰天主。王舉耶蘇以考其實。耶蘇生於漢哀帝之元壽二年。不知元壽

以前之天。又誰為之主耶。抑虛位以待耶。其敢於無天。悖一。堯舜禹湯文武周公孔子。繼天立極。萬世之聖人也。乃彼教妄作妖書。醜詆唾罵。甚至蔓入曲阜。毀壞聖林。廟寢其敢於無聖。悖二。萬物本乎天。人本乎祖。開闢以來。豈違斯義。耶蘇為巴斗國王。磔死。乃彼教即崇奉其磔死之十字架為主。凡入教者。必先自斫其祖先木主。及五祀神位。而後受之。推而稱父為老兄。母為老姊。敗倫滅理。顛倒綱常。其敢於無父。無祖宗。悖三。天以陰陽五行化生萬物。其道造端乎夫婦。風化所繫。名即攸關。莫先於此。乃彼教既招引其夫。必牽誘其婦。受以媚藥。誑為仙丹。使其慾火中燒。自就媒淫。一經交接。則本婦視夫如糞土。其生女不嫁。留傳教主。其敢於無夫婦。悖四。上天有好生之德。乃彼教蠱惑從教婦女。共器澣浴。探討陰竅。或取黑藻。或取紅丸。恣其所為。以致吸取童精。針刺腦髓。天札嬰孩。虐及黃口。又於從教之將死者。必遣同教數人往。屏其家屬。念經求教。趁其人尚有氣息。即剜目剖心。為外洋偽銀之用。隨以繒布束屍。促入棺殮。其敢於絕人道。悖五。此五悖。足兼萬惡。以故當日行之利木亞洲。而利木亞洲為其所奪矣。行之印度。而印度為其所併矣。行之日本。而日本為其所亂矣。孰是以推其狡焉思啟。匪朝伊夕。今茲之為。所謂司馬昭之心。路人皆知者。

也。設使彼教終得行於中華。則數千年衣冠禮義之邦。一旦化為保蟲鯁人之域。獮
獮獸畜禽羣。豈不大可痛哉。豈不深可恨哉。竊為今至計。正宜慎固海防。闌截市舶。
拔本塞源。銷沮戎心。而聖朝寬大。猶宏怙冒之仁。閩澤遐敷。用廣懷柔之義。勉就和
約。無黷武事。逆夷罔知悛艾。輒敢布散醜類。到處起建教堂。號召嘯聚。凡諸犯罪論
死之徒。遁入彼中。數奸遁究。莫敢誰何。即如天主教之在我衡州也。道光年間。即有
醜徒。悄誘無知愚民。私習其教。稱為教門。然爾時國家功令森嚴。若輩猶深自秘密。
不敢顯然於地方。相詐虞也。已而永安賊起。遠近謠言。大劫將臨。天父天兄出世。細
根其說。實出於教門之口。時值多事。法禁稍弛。匪徒漸次猖獗。教主之來。昔以微服。
今輿馬矣。傳教之時。昔以昏夜。今白晝矣。禮拜之地。昔在鄉曲。今城市矣。勾引之徒。
昔皆細民。今士大夫矣。然見其汲汲如狂。亦不過以異端鄙之。初不知其為非作歹。
之至如此之極也。迨咸豐壬子。粵賊竄楚境。衡民一日數驚。居城者盡室行。在野者
荷擔待。而教門晏如也。方且賤值貯米粟。鳩工匠大興土木。積石鼓書院側如山。愈
益以奉天主。免劫數。煽惑鄉愚。更出多金。傾動一時。凡平人入其教者。予銀拾兩。生
監以上。予如援例報捐之數。間有衡人自賊中逃歸。備述賊狀。實與教門無異。而教

門亦稍稍自敗露。於是恍然知教門非我族類。而衡人實竊竊抱實偏處此之憂矣。自此而後教門之在別省者。不得盡知。而在我衡州。則怪怪奇奇。難以擢髮數。姑舉其昭彰在人耳目者言之。軍興以來。清查防堵。雖窮鄉僻壤。皆當奉行。而教門無一臂助者。善餉捐輸。雖僧道流寓。莫不踴躍。而教門無一拔毛者。不特此也。北門有十字街。教門嫌觸其忌諱。聚眾毀民房。易街道。一市大譁。相持數日。始罷。又教門發引。有小兒戲於道傍。揚灰如十字形。輒繫兒父兄。生員蕭方規勸解。兼遭毒毆。且昇棺入兒室以瘞。鄰里為釀金頓首謝。始解。又遣其黨四出鬻糖餅。設店稱施藥。誤食之者。小兒多泄瀉。死大人必發狂。思入其教。又下關有來雁塔。教門引夷目數人。悄登其上。用遠鏡俯睨全城內外形勢。繪圖以去。又素行不法之張道榮。案發收繫。一投彼教。即有夷目來為扛護。官府即釋不敢問。又教門有船隻數十。終年往來載運。每月數回。每船木桶數百。收發於城外香水菴。而封識甚固。不知為何物。其更可駭者。去年二三月間。和議頒行之後。教門男婦群聚於天主堂。日以千計。大揭通衢。將以拆城隍廟。築道友堂。以某日撤府縣學聖位。奉十字架。起復散布流言。動稱伊教大行。迂孔當廢。衡民膽敢抗違。將來廣東湖北兩省教主。必興問罪之師。又稱劫數亦

天主所造髮逆其兄弟們乃奉行天主劫運者也。衡人多充當官勇逆天不祥。將來必遭屠戮之劫。因思我衡本四衝地。上達兩廣。下通兩江。以今日之見見聞。聞果一旦乘間竊發。教門之在榕城桂管者。踰嶺而北。教門之在廣東江南者。沂湘而南。更有本地之教門數十戶。為之居停主人。齎寇糧。外合裏應。我衡郡生靈庸有噍類乎。又思教門奇淫左道。蔑綱常。鮮廉恥。本為聖世所必誅。王者所不赦。在我皇上俯允和議之後。彼若稍為斂跡。教門自為教門。百姓自為百姓。化日光天之下。何所不容。原可相安無事。乃至藐我王章。侮我先聖。敗壞我風俗。滅絕我倫常。并髦我官府。勾誘我子弟。窺伺我城廂。我衡郡軍民人等。食毛踐土。二百餘年。在智者見遠。原深抱杞人之憂。即愚者察近。豈竟無身家之念。鬱抑莫伸。挺而走險。夫是以有本年四月三日之舉。則是我衡民好為多事。實教門之與衡人以大不堪。而激而成之者也。至謂我衡人此舉。當日並不稟明官府。率爾為之。誠屬冒昧。然伏讀世宗憲皇帝聖諭。則今日之事。正雍正年間故事也。閱邸報。豫章一帶百姓。一不甘教匪凌辱。則今日之事。又江西之已事也。況我衡湘士民。自聞逆夷震逼京師。凡在血氣之倫。已莫不如痛含酸。卧薪嘗膽。又值圓明園被燬。先皇帝北狩木蘭。道路訛傳不一。而教

門勢更梟張。語言無狀。實有若輩口可得而言。吾民耳不忍得而聞者。罪大惡極。非
僅僅瀝其居室足蔽其辜。近聞各大憲著落地方官。曲為調停。欲將所燬之天主堂
仍為修復。獨不知衡民所毀。特近城之天主堂耳。四鄉七屬。實未暇及。在衡人方恨
未盡巢穴。一旦官為修復。凶畎再張。其所以魚肉我衡人者。將來不知更作何狀。蓋
在教門未生事以前。衡人已為偷安之局。而教門既生事之後。衡人決無兩立之勢。
是即威以三尺。不能俯首帖耳。以聽命於逆夷。且更有說焉。眾口鑠金。眾志成城。以
是蚩蚩者。激於義憤。心存君國。不惟稍洩不共戴天之恨。並可永弭肘腋反側之憂。
上紓宵旰。下救桑梓。雖事涉專擅。而情可哀矜。倘普天之下。填東海者。群銜以一石。
移南山者。盡出其三人。各直省大憲。復能酌其地。因其時。作其氣。而用之。靖內奸。以
禦外患。吾見髮逆雖眾。未必不頽失其聲援。洋寇雖強。未必能過海口一步也。如其
姑息從事。異類復滋。圖目前處堂之歡。忘他日噬臍之患。則就衡郡一隅論之。固有
養疽貽患之餘殃。即合天下全局籌之。又豈久安長治之策也哉。恭逢大人福星照
臨下車伊始。修明政治。整飭綱常。是用瀝血合詞。公懇作主云云。

寶慶鄒叔績。漢勲有學行。咸豐三年。與江忠烈公忠源俱死廬州。身後著述零散。同

治初羅研生中翰輯湖南文徵咨於黃海華先生先生復書曰咸豐辛酉歲四月某
住攝寶慶郡事行次界嶺得邵陽山長書以邵陽有冤獄相告而又不言其所由
湘皋時已赴永州與姚石甫廉訪為西山之游末由緘問及到郡邵陽令先期往隆
回相驗當察問始知叔績以事繫獄先是東門外有無名男子縊死富戶某姓山樹
上詣驗吏仵均云無傷葬埋了案叔績訪得乃其族子死有他故同其族姓來縣呈
控堂訊大觸令怒遂以事不干已詐索扛訟哄鬧官署等情革辦是夜叔績自獄中
上書自訴明日提釋詳雪復其衣頂是秋獲鄉舉某有詩記事云黃霸初來治郡日
鄒陽伏上訟冤書慚無大廈棲巢燕忍使圓扉泣鰥魚舊價文章真不忝今年榜帖
竟何如鐙前狂笑冠纓落入殼英雄雪活餘一時和詩惟宋于庭老兄最佳兵後軼其
橐今亦不能記憶矣昨於貞兄席間語及叔績存文無有因舉此書幸尚在篋中別
紙錄上收入文徵似不能不附載顛末故縷縷惟叔績有數藝齋甲乙丙丁戊己庚
辛壬癸十集共百餘卷六國春秋穀梁例湘中考古錄蔡忠烈年譜夏殷二石刻釋
文貴陽大定興義安順四府志分輯寶慶志若干卷又考證詩序其弟漢池成之此
辛亥歲所聞知者嗣當有續者可從新化學人搜求之必有稟本要之叔績忠義凜

然千秋不朽。正不必待文字而後傳也。據此則叔績著作尚多。惜未得見。又聞龍暉臣為刻其詩於江西。暉臣病歸。以屬同官趙之謙。不知竟何如也。

戊午科場之獄。柏後實未與知。先是科場法弛。貽贈關節。視為故常。有刑部主事羅鴻禨。因中表李某。通房官浦安。後奴靳祥。慧黠知文。後年老。事多委之。安乃更囑祥。既而羅卷擬副榜。祥取他中卷易之事。甚秘。無知之者。及磨勘羅卷。訛字至三百餘。磨勘官某懼不敢發。出以語人。事漸流播。御史孟傳金奏之。上遣內侍至禮部。取羅卷視之。大怒。因召羅至南書房。更試文題。不亦說乎。詩題鸚鵡前頭不敢言。命端華肅順監試。陳孚恩閱卷。文謬多。因斥羅。覆勘諸中卷。下刑部窮治。靳祥自殺。後安鴻禨皆論死。驗實。死徒者後十餘人。株連繫獄者數十人。故事。大臣當死。臨刑。眾官為乞恩。往往得宥。及是。眾邀肅順俱前。順素怨後。已取旨監斬。因佯諾。升車而去。至菜市。見後車。迎笑曰。七哥來早。即升座。促刑。後官京朝久。門生故吏甚多。畏肅順。無敢送者。獨阜甯裴蔭森。白衣冠往送。順亦不問也。後素寬謹。又為肅順所陷。人多寬之。勝保自軍中上疏。至有羅網彌天。衣冠掃地之語。然中卷訛字。多至數百。考官不知。是竟不寓目矣。惡得無罪乎。又有平齡者。蕩子也。於端華肅順最狎。是科亦中第七。

名建治疾死莫能窮詰

同治初御史某劾侍郎劉崐黨肅順崐坐免崐實不知肅順先數年御史父尚書某招飲始共杯酒御史不知也他日相遇於戲園崐發憤罵御史且質尚書前事御史慙噤欲引去崐奮起擊之碗拂其耳羹酒染衣眾環救乃解久之事頗上聞皇太后察崐無他後起用崐或戲為聯曰許御史為國忘親捐歸黨籍劉侍郎因禍得福打復原官

嘉定張修府性剛狷篤學工詩官永順府知府有惠政為忌者所軋意常悒悒偶巡下縣宿村店夜聞木鳴作木鳴行曰鬼火煙青螢霧黑老木陰森作人立空山風雨愁呻吟瘦猿孤啼怪鴟泣或言下有陳死之魂歸宰社千年春又疑木客解吟趣把臂山魃夜深語奇石能言毫鳥鳴反常為妖理則平窮鄉兵燹莽殘劫嗷嗷如助哀鴻聲俗耳驚疑縱尋斧爨下勞新行及汝木兮木兮慎勿聲勸節堅心自終古又答野人獻雉云慙愧中年政桑間有異禽重煩修士贊難慰野人忧繒繳逃無地文明晦已深春風聽朝雉中澤和哀音

咸豐初張亮基為湖南巡撫時承平久官益尊政益儉民隱不得上聞巡撫教令中